



**Volumen Epistolarum, Qvas Romani Pontifices, Gregorius  
III., Stephanvs III., Zacharias I., Pavlvv I., Stephanvs IV.,  
Adrianvs et Pseudopapa Constantinus miserunt& reges  
Francorvm, Carolvm Martellvm, ...**

**Gretser, Jacob**

**[München], 1613**

Jtem exemplar Epistolæ eiusdem Papæ, ad Domnum Carolvm Regem  
directa, in qua continetur de fide vel constantia ipsius Apostolici erga  
prædictum regem. LVI.

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

animæ tuæ expedit, vt ipsi Episcopi propriis sedibus restituantur, omnesque Dei Ecclesiæ suis præsulibus ornatae consistant, & cunctus Dei populus in magna lætitia vestris felicissimis temporibus degere valeat, vobisque hoc respiciat ad æternam mercedem; Nos itaq; firmi in vestra charitate permanentes ideo ea, quæ pertinere cognoscimus ad salutem animæ tuæ fiducialiter vos fatagimus deprecari, vt Deus noster omnipotens vestris semper placatus existat piis operibus, & copiosam vobis ex hoc in præsentem & futura vita tribuat remunerationem. Incolumem excellentiam vestram gratia superna custodiat.

*Item exemplar Epistolæ eiusdem Papæ, ad  
Domnum Carolum Regem directæ, in qua continetur de  
fide vel constantia ipsius Apostolici erga præ-  
dictum regem.*

## LVI.

**D**OMNO excellentissimo filio Carolo, Regi Francorum, & Langobardorum, atq; Patricio Romanorum, Adrianus Papa. Recordari vos credimus, excellentissime & à Deo protecte fili, & magne Rex, quomodo disposuistis vestros prudentissimos ac fidelissimos Missos, vt cum nostris pariter Missis pergerent ad suscipiendum in integro patrimonium nostrum Rauennense, quod pro vestræ animæ mercede, & venia delictorum B. Petro, protectori vestro, concedi iussistis. Dum verò nostri vestrique illuc pergerent Missi, inuenti sunt ibidem fidelissimi atque seniores testes, annorum plus minus centum, qui testificantes super altare, intus Ecclesiam sanctæ Dei Genitricis

*Summ. 2 fo.  
Bar. 6.  
Cent.*

\* Monega.  
vij Cent.  
Machina.  
vij.

nitricis Mariæ, in loco quidem Forobono, coram sanctis Euangeliis, in præsentia fidelissimorum ac nobilissimorum vestrorum Missorum, scilicet Itherij & \* Magnarij tantummodo vestri Missi, absq; præsentia nostrorum Missorum, adfirmantes dixerunt: quod & ipsi vestri Missi vobis suppliciter, sicut testes illi iurati patefecerunt, referre possunt, quomodo antiquitus ipse B. Petrus, sanctaque nostra Romana Ecclesia idem detinuit patrimonium, & minime ipsum suscepimus in integro patrimonium, vel nostris Missis contraditum est, sicut isti testes adfirmantes, coram sanctis Christi Euangeliis testificantes dixerunt.

\* Videtur  
redundare,  
aut aliquid  
deest, cum  
quo coha-  
reat.

Sed petimus te, excellentissime fili, & magne Rex, atque spiritalis compater, vt vestram adprehendere debeant dexteram, & iurantes dicant ipsi vestri nobilissimi, quid de eodem patrimonio Sauinensi B. Petri præuiderunt atq; cognouerunt, testem enim inuoco Deum, quia nullorum fines irrationabiliter appeto, sed, sicut ex antiquitus fuit, ipsum iam fatum patrimonium, & id in integro B. Petro Apostolo concessistis, ita suscipere optamus, \* quatenus petimus vestram præcellam regalem potentiam vt pro amore eiusdem Dei Apostoli, atque nostro, ipsos iam fatos fidelissimos Missos vestros, aut vnum ex illis, cum alia persona, quæ vobis placuerit, dirigere iubeatis, vt ipsum patrimonium Sauinense, sicut cœpistis, in integro, iustitia annuente, nobis contradatur. Quapropter vsque in finem perseuerare debeat vestra regalis potentia, sicut idem patrimonium in integro eidem Dei Apostolo, pro vestræ animæ mercede, concessistis atque tradidistis, vt hic, & in futuro, à Domino Deo nostro, & ab ipso clauigero regni cœlorum, retribu-

tributionem boni operis suscipere mereamini, vna cum excellentissima filia nostra, domna regina, nostraque spiritali commatre, & vestra nobilissima prole, atque memoriale vestrum in Ecclesia eiusdem Dei Apostoli opinatissime in æternum permaneat. Incolumem Excellentiam vestram gratia superna custodiat.

*Item exemplar Epistole eiusdem Papa, ad  
Domnum Carolum Regem directæ, in qua continetur de  
Mauricio Episcopo, quod Histrienses ei oculos eruisent.*

## L VII.

**D**OMNO excellentissimo filio Carolo, Regi Francorum & Langobardorum, atque Patrio Romanorum Adrianus Papa: Credimus, quod iam ad vestræ à Deo protectæ excellentiæ aures peruenit de Episcopo Mauricio Histriensi; qualiter, dum eum fidelem B. Petri & nostrum cognouissent, nefandissimi Græci, qui in prædicto ibidem territorio residebant Histriensi, & dum per vestram excellentiam dispositus fuit prænominatus Mauricius Episcopus, vt pensiones B. Petri, quæ in superius nominato territorio iacebant, exigeret, & eas nobis dirigere deberet, zelo ducti tam prædicti Græci, quamque ipsi Histrienses, eius oculos eruerint, proponentes ei, vt quasi ipsum territorium HISTRIENSE vestræ sublimi Excellentiæ tradere debuisset.

Propterea petimus à Deo protectâ excellentiam vestrâ, amatissime fili, & magne Rex, vt iubeas dirigere